

Corws Cymunedol (y De)

Hydref / Gaeaf 2019
Galw am Aelodau

Cyfle Hydref 2019 Corws Cymunedol (y De) WNO

Bellach yn nodwedd reolaidd yng nghalendr blynyddol WNO, ac yn dychwelyd yn ôl y galw poblogaidd, bydd Corws Cymunedol WNO ac Opera leuenctid Cenedlaethol Cymru yn ymuno unwaith eto i ddathlu'r cyfnod Nadoligaidd a thymor ewyllys da gyda pherfformiadau yn neuadd fawr adeilad hanesyddol y Gyfnewidfa Lo (bellach Gwesty'r Exchange ym Mae Caerdydd)

Eleni, bydd 3 pherfformiad ar nosweithiau 3 a 4ydd Rhagfyr (gweler dyddiadau ymarfer a pherfformiad isod).

Rydym yn chwilio am grŵp o gantorion wedi eu lleoli yn Ne Cymru i fod yn rhan ganolog o ddathliadau Nadolig WNO. Wrth i'r dyddiau fyrhau a'r nosweithiau'n tywyllu, bydd gofodau gefn llwyfan WNO yn llenwi â chân wrth inni gynhesu'r enaid â chanu cymunedol. Bydd y Corws Cymunedol hwn yn dysgu repertoire cymysg o gerddoriaeth dymhorol i berfformio'n annibynnol a hefyd i gyfuno â'r grwpiau Opera leuenctid ar gyfer diweddsglo byrlymus i bob perfformiad, pob un wedi'i gymysgu â charolau cynulleidfaol clasurol gan roi cyfle i'r gynulleidfa ymuno â'r dathliadau.

Bydd tîm o artistiaid proffesiynol o WNO yn arwain yr ymarferion wythnosol gyda cherddorion proffesiynol yn ymuno ar gyfer y perfformiadau.

Pwy sy'n medru cymryd rhan?

I fod yn gymwys i gofrestru rhaid i chi:

- Fod yn 18 oed neu throsodd
- Ymrwymo i a mynychu'r holl ymarferion isod – dim on 1 ymarfer y gallwch chi golli os yw'n gwbl angenrheidiol
ON – rydym yn deall y gall amgylchiadau anrhagweledig fel salwch eich rhwystro rhag mynychu ymarfer. Fodd bynnag gall golli mwy nag un ymarfer eich rhwystro rhag cymryd rhan yn y prosiect hwn.
- Fod ar gael i'r dyddiadau perfformio ar nos Fawrth a nos Fercher, 3ydd a 4ydd o Ragfyr 2019.

Nid oes rhaid i chi gael clyweliad i fod yn rhan o'r prosiect hwn! Mae'r gallu i ddarllen cerddoriaeth bob tro yn helpu, ond nid yw'n hanfodol gan y bydd WNO yn darparu traciau ymarfer i'ch helpu i ddysgu yn eich amser sbâr.

Sut i gymryd rhan?

I gymryd rhan yn y prosiect - cyflawnwch y ffurflen gofrestru sydd ar gael trwy dilyn linc ar wefan Opera Cenedlaethol Cymru :

wno.org.uk/cy/take-part/community-chorus/community-chorus-south

Rhaid i bob cais cyrraedd ni erbyn Dydd Gwener 13 Medi 2019, am 5pm.

Yn y ffurflen mae lle i chi llenwi manylion am unrhyw gyflyrau meddygol sydd gennych. Trwy ddarparu'r wybodaeth hon i ni (a fydd yn cael ei thrin yn gyfrinachol) gallwn ystyried a ydym

yn gallu darparu'r isadeiledd sydd ei angen (cyfleusterau ac adnoddau dynol) i alluogi eich cyfranogiad diogel a chyd-gantorian eich prosiect yn y prosiect.

Sylwch na fydd unrhyw geisiadau a dderbynnir ar ôl y dyddiad cau yn cael eu hystyried. Byddwn ni yn cysylltu gyda phawb trwy e-bost cyn gynted â phosibl ar ôl y dyddiad hwnnw, i'ch cyngori os ydych wedi bachu lle yn y Corws.

Rydyn ni'n gobeithio gallu cynnig lleoedd i'r holl gantorian sy'n gallu ymrwymo i'r dyddiadau. Mae gennym ni lle ar gyfer uchafswm o 120 o gantorian Corws Cymunedol, a chyn belled ag y bo modd byddwn yn anelu at gôr cytbwys gyda rhaniad cyfartal o fathau o lais.

Os ydych chi'n profi unrhyw anawsterau gyda'r ffurflen gais ar-lein, cysylltwch â ni trwy ebostio:

community.chorus@wno.org.uk

Amserlen Prosiect Tymor Hydref 2019

Ymarferion:

Dydd Sul 13 Hydref	2 – 5 pm	Canolfan Mileniwm Cymru
Dydd Sul 20 Hydref	2 – 5 pm	Canolfan Mileniwm Cymru
Dydd Sul 27 Hydref	2 – 5 pm	Canolfan Mileniwm Cymru
Dydd Sul 10 Tachwedd	2 – 5 pm	Canolfan Mileniwm Cymru
Dydd Sul 17 Tachwedd	2 – 5 pm	Canolfan Mileniwm Cymru
Dydd Sul 24 Tachwedd	2 – 5 pm	Canolfan Mileniwm Cymru
Dydd Sul 1 Rhagfyr	2 – 5 pm	Canolfan Mileniwm Cymru

Dalier Sylw Bydd gofyn i chi cyrraedd adeilad Canolfan Mileniwm Cymru **erbyn 1.30pm** ar y ddyddiadau uchod, er mwyn ymgynull a cofrestru cyn mynd cefn-lwyfan. Mae'n rhaid i hwn digwydd yn taclus er mwyn i'r ymarferion cychwyn yn brydlon am 2pm pob tro.

Nodwch hefyd bod posibilrwydd I staff WNO gofyn i chi gadael y prosiect os ydych yn aflonyddu ymarferion trwy bod yn hwyr yn gyson.

Perfformiadau:

Nos Fawrth 3 Rhagfyr	o 5pm (i'w gadarnhau)	yng Ngwesty'r Exchange
Nos Fercher 4 Rhagfyr	o 5pm (i'w gadarnhau)	yng Ngwesty'r Exchange

Natur y perfformiad(au)

Cynhaliwyd Dathliad Nadolig WNO yn neuadd fawr Gwesty'r Exchange, gyda'r Corws Cymunedol yn eistedd ar blatfform y llwyfan yng ngolwg y gynulleidfa trwy gydol y perfformiadau, o dan amodau theatrig: gyda goleuadau llachar, ensemble cerddorol yn agos ac ymhlith addurniadau set. Ar nos Fawrth (3 Rhagfyr) bydd ymarfer gwisg i gychwyn cyn un perfformiad, ac ar y nos Fercher (4 Rhagfyr) bydd dau berfformiad.

Bydd angen i gantorian fod yn gyfforddus o flaen cynulleidfa, yn gallu dysgu geiriau, a cherddoriaeth yn hyderus i beidio dibynnu gormod ar daflenni geiriau ac yn gallu dilyn cyfeiriad ein Meistr Corws Cymunedol ac unrhyw staff WNO sy'n gweithio ar y prosiect.

Mae'r dathliad Nadoligaidd yn rhan o raglen flynyddol WNO, a bydd tîm cerddoriaeth y Corws Cymunedol yn gweithio gyda'r grŵp i gyrraedd y lefel o ragoriaeth y mae'r cwmni'n adnabyddus amdani. Bydd hwn yn gyfle i ddysgu gan hyfforddwyr lleisiol ac artistiaid blaenllaw, a gweithio ar bob agwedd ar berfformiad.

Er mwyn cyrraedd y safon hon rydym yn disgwyl i gantorion fod yn gydwybodol yn ystod ymarferion, yn annibynnol ac yn gallu dilyn cyfarwyddiadau. Rydym hefyd yn disgwyl i gantorion gyrraedd yn brydlon i ddechrau gweithio ar amser (y wobr bydd seibiant te hanner ffordd drwodd, gyda bisgedi a chacennau jaffa ... ffefryn adnabyddus WNO erbyn hyn!).

A oes cost?

Oes, mae cost o £25 yr un i gymryd rhan yn y prosiect, yn daladwy ymlaen llaw i gadarnhau eich lle unai gyda siec neu drosglwyddiad banc.

Hefyd, mae yna flaendal cerddoriaeth o £10 y byddwch chi'n ei gael yn ôl ar ddiwedd y prosiect os bydd cerddoriaeth a ffolder WNO du yn cael ei dychwelyd heb ei ddifrodi.

Os yw'r gost yn achosi unrhyw bryder, cysylltwch â ni ar: community.chorus@wno.org.uk

Pam ddylwn i gymryd rhan?

Peidiwch â gwrando arnom ni yn unig, dyma ychydig o'r adborth o'n hanturiaethau Corws Cymunedol blaenorol:

"Hwn oedd fy mherfformiad cyntaf ac roeddwn i wrth fy modd! Gobeithio mai hwn yw'r cyntaf o lawer"

"Cefais fy llethu'n llwyr gan y sain heno. Waw! Mae wedi bod yn brofiad anhygoel"

Hwyl am y tro,

JENNIFER HILL

Cynhyrchydd leuenctid a'r Gymuned